

## Aires d'a miña terra

### "A emigración"

[p. 131]

#### A EMIGRACION

Cando n'as noites de luar caladas  
Via unha estrela pol-o ceo correr,  
Decia miña nay, c'as maus dereitas:  
«¡Dios te guie con ben!»

Dende enton, cando vexo q' un gallego  
A terra deixa onde infelis nacéu,  
Y-achego busca n'outras prayas, digo:  
«Guíete Dios!» tamen.

Non-o culpo icoitado!, non-o axo,  
Non pido pragas nin castigos pr' él,  
Nin de que é dono de coller m' esquezo  
Pr' onde lle conviñer.

Que aquel que deixa seu natal curruncho  
E fóra d'os seus eidos pon os pés,

[p. 132]

Cando troca o seguro pol-o incerto,  
Motivos ha de ter!

Preguntáylle, e diravos que sin rego  
O milleiral, o lume sin cardés,  
Sin herba o gando e sin traballo o home  
Non se poden rnanter.

Diravos, sí, que e pouco canto gana  
Pr'as arcas d'o *señor* e pr'as d'o Rey,  
Fay un mes que non comen cousa quente  
Os fillos y-a muller!

E diravos que porque d' us destrales  
Mercóu n' unha ocasion us poucos bés,  
Xuróull' o crego non lle dar sagrado  
Si chegar á morrer!

Y-havos decir que lonxe, alá moy lonxe,  
Alénd' o mar q' o vay tragar tal ves,  
Si libertá, si pan non logra, santa  
Tumba terá xiquer...

¿Quén sódes vós, chorosos niquitates,  
Ruís louvadores d' un Poder cruél  
Que as alas d' ouro d' un espírito libre  
Agrilloar querés?

¿Por virtú de cál próvida promesa,  
En nome de qué Dios, nin de qué ley  
Querés que aquél que á morte condenastes  
Non fuxa, si pudér?

[p. 133]

¿Qué lle ofrecedes n'a nativa terra  
Ése que á cruzar vay mares de fel?  
Resinacion??Con éla non se come...  
Fe??Non lle basta a fe!...

Correde o velo que a Xusticia encubre!  
Dáille traballo, libertá, saber...  
¡Non é dina d' os osos de seus fillos  
Pátria que os non mantén!  
?

Dicen que como o Miño, o noso povo  
N'a terra donde nace quér morrer;  
Pero o sono d'o rio é sosegado  
Y-o d' éste non-o é.

O rio ten un leito mulidiño,  
Perfumado de rosas é cravés.  
Tamen tiña outro o povo; mais... vendéronllo  
Y- agora non-o ten.

Deixáino qu' o adiquira donde poida!  
Deixád' ó gafo Xob c'o fol á res  
Buscar o muladar onde s' espiolle,  
Sanará?... Pode ser.

A civilizacion y-as anduriñas  
D' unhas terras pr'as outras ván é vén;  
Querer que non emigren e matálas  
O mesmo ven á ter.